By 35341-6-15

LAS

COURSOS

DÉ

TOULOUSO.



TOULOUSO,

Chez DELBOY, Libraïré, dins la carriéro dé la Poumo, nº 71.

1846.

COURSOS

Ser

DEVOLUTION.

COULOUSO

Ches DELEOY, Librairé, dins la carriéro de la Poumo, ne 74.

.0381

COURSOS

DÉ TOULOUSO.

Ah mordunture! Ah capdénou! Panon açi las gens d'aounou Al loc dé lour fa bouno c'èro! Ca, morblu! Tenetz-mé lé bras, Ö tout l'oustal sécouti bas Dan le canou dé ma conlèro!

Goudouti, lé croncan.

Ey lés pès dins l'estriou; anén parts, aī doun, Chabal écharrénat, rosso dé l'Hélicoun Qu'à forço dé trima dins lour grando carrièro, Lamartino et Hugo métten sur la litièro! Malgré mous éspérous, sé toun palmou poussiou Réfuso de buffa; sé toun garrou ta biou Dé courré roundomen d'aouey n'ès pas capaplé, Coutcho-té, biel fégnan! damoro dins l'estaplé!...

O bolés ; partirén! mais , per la mort de Diou ,
Pér fa lé cabucét que budey pas l'estriou!
N'angos pas m'escampa , coumo lés paourés diaplés
Que , cad'an , prép de tu bénén fa les aïmaplés ;
En t'estrillan pla dur crésen te fa la cour ,
Et n'atrapon soubén qu'un cop de pè sul mour!

Amourousés transits d'uno muso gamado,
On lés bey dé l'éncéns aspira la fumado,
A cop dé bouts rimats sé disputa las flous;
Dé Chloé lé souriré, et, béleou, lés poutous:
On lés béy, lé trés may, émpiffrats dé béstiso,
A l'Isauro pourta lour paouro marchandiso,
Et fa béni la cagno as anciennis souldats
Qué roupillon tout l'an dins lés payrols daourats!
Soun pas d'aqués fadots qué l'ambitiou assiéjo!
Dé grimpa sus rougnous sé m'a prés un'émbéjo,
N'és pas per m'én ana quista lé grato-quioul
As raoukis troubadours qué counduisen la poumpo;
Nou! mé beyras toutchoun, retté coumo un piboul,
Mésprésa lés laouriès qué la bassesso croumpo.

Boularen pas tapaou coumo l'aoutré gascou
Què, cant le foc dibin circulo dins sas bénos;
Dé toutis lés tyrans éncénso las cadénos,
Et gagno én flagournan lé ruban dé l'aounou!
Car la muso d'aouey, coumo uno gourgandino
Qué lé souer, per cin sos, caresso lés passants,
Glouriouso autrés cops, aro dins la débino,
Esquisso sa boudègo à flatta lés pouchants,
Estaco dé lauriès sul cap d'un miséraplé,
Per qualqués pugnats d'or bernisso soun affroun,
Et lé pren al carcan ou sul féns d'un éstaplé,

Pér lé pourta sul Panthéoun!

Cassado dél saloun, s'abat sur la cousino,

Dibourçado del mestré embrasso lé baylét,

Et, coumo un gous canicho, aplatis soun ésquino

Pér uno queisso dé poulét!

La mibo és uno bierjo! o sabés pla , Pégaso!

Sur toun courpioun sacrat quan soun à cabarlous ,

Sé dé rima souben lé foc dibin m'embraso ,

Canti , pér d'un amic endourmi las doulous ;

Ma muso qu'ayon bist buffa dins la troumpéto

Pér canta lés coumbats qué fasquet l'Empérur ,

Pioulabo coumo uno lauséto Quand poudio dé l'amour célébra lé bounhur!... Cantabi aquestis jouns las tristos abanturos

Dés prisouniés qu'Abded-Kader
Coumo un latché pacan a tuat dins l'Alger!...
Aouey boli fioula forço carricaturos.
M'an countat Qu'Apoulloun, éscanat pel malur,
Anguet sé plaça pastré et noun pas décroutur.

« Mestré , per ount anan coumença la bésougno ? »

Mé dits Pégaso. Anguen dret à la pouligougno ,

Et sé n'en pas roustits praquel soulel arden ,

Aquiou troubaren pla dé qué riré un moumen.

Anen , bolo !... és partit , et déjà ben s'abattré

Al miey d'un gran basar , sorto d'amphithéatré

Ount damos et moussus , del naout dé lour trestat ,

Soun bengudis jutcha le bencur dél coumbat.

Déja doutzé chabals , trépéjan la carrièro ,

Jusquos à nostré nas fan saouta la poussièro ;

Toutis crânos bidets! Per prouba sous cartiès

Cado bestio , à soun tour , a moustrat sous papiés :

Aquel a , pér blasoun , un poumpoun sur la couéto

Perqué dé Jérico pourtabo lé troumpetto ;

L'aoutré abio soun ayul qué , chez Caligula ,

D'un picouti daourat poudio sé régala.

Dé chabal en chabal, de cabalo en cabalo

Aquesté bol mounta dinquos à Bucéphalo!

Tabés, quant és bengut, de poou qué prengo mal,

Un cariol pla coubert, en pourtan l'animal,

Per bira lé soulel esplandissio sa bouto,

Et troubabo souben un paouré bouyatchur

Qué, la fan dins lé bentré, et sul cap lé malur,

Traïnabo un pè murtrit sul grabié dé la routo!..

Cadun remplis lé cel dé soun hennissomen ,
Cadun se lébo dret coumo un marré qué tumo ,
Et , per courré à soun grat , bol à cado moumen
Sé délibra del mors qu'és teut blanquit d'escumo.
Mais n'és pas per l'aounou qué lés bésets langui ,
Acos un sac d'éscuts qué s'en ban perségui ;
Quant ya pas may d'argen touto l'ardou s'arresto.
Ah! quant nostrés anciens dounabon uno fèsto ,
Lés brabés chébaliés bégnon tenta lé sort

Et disputa lé cor d'uno mestrésso,

Dél pus adrét et dél pus fort
Uno poulido ma courounabo l'adrésso!
Pér l'amour et l'aounou lé jouéné counquéran
Armat dés pés al cap, courrio dins lés gimnasés!
Aro acos dé chabals, dins bint ans séra d'asés

Qué dins lé cirqué brillaran , Et quant bouldren douna qualqué famus spectaclé , Embitaren lé moundé à sé rendré al Basaclé.

Al miey d'un triplé reng dé damos et dé flous à la dupast. Lés jokeys, mirgaillats dé toutos las coulous, é dupast. Coumençon dél chabal, qué sio masclé ou femello,
D'un coujet d'aygorden d'unta la gargamello;
D'estré enlébat pél bent, un qué cren lé dangè,
D'un paquét dé caillaous ben dé farci sa potcho;
Et l'aoutré qu'és trop gras, per qu'a fayt la balotcho,
L'an fayt créba dé fan pér qué sio pus laougé.

Lé signal és dounat; à la bouts qué lour crido Dé sarra lés talous et dé latcha la brido , beneau al Soun partits, à mous els déjà disparéscuts, Coumo l'aousel dins l'avré an filat dins la lico! Aquesté saquéla, chabal dés pu téstuts, S'en ba dé réculous coumo uno éscarabisso : N'en bési dé pla lenc un aoutré, à miey cami, S'embarlificouta pés talous del bési, Et quand d'abé lé prèts rêbon la gloriolo, L'un sur l'aoutré amourrats fan uno cabriolo. Cabaliès et chabals an rédoulat pél sol, S'an démoulit l'éspallo ou s'an roumput lé col! En saoutan sul coustat, un aoutré, qu'és ibrougno, S'en ba coumo un truchan roulla pél Pouligogno Et casso lés badaous dount on entén lés crits Coumo fa lé farou pés moutous espaourits. Per joui del cop del , sul bord dé la carriero , Lés paysans embourgnats abalon la poussiero ; Et, penjado à lour bras, lour sensible mouillé Toussis coumo uno mano et cratcho dé mourtié!

Cépandan as pés juns gna pla calcun qu'arribo Al bout dé soun cami ; cadun , lé col tendut, En affustan lé mour , bol attégné lé but. Toutis marchon dé froun, quant moun bési lour crido:
Lé qué may séra prep del courdel d'estoupas
Gagnara pel sigur; le sac d'escuts s'accordo
Al prumié qu'a pouscut moustra lé bout del nas!
Sabets per parbéni, qué cal frisa la cordo!

Ramounet a gagnat, et, courounat dé flous, Rifagno soun ribal counfus coumo uno desco; Lé mestré del chabal à sous paourés garrous Douno per récoumpenso un paou dé paillo fresco : El, émpotcho l'argen. L'hurous particulié Arribo amé sa bestio al pays dé coucagno, Car auouran cado joun , jusqu'à l'aoutro campagno , Sur taoulo dé capous, dé fé sul rastélié; N'an qu'à sé répaousa, sans brumo ni tourrado, Dins un joun toutis dus an gagnat la cibado. Ah! souben, en traïnan un salé timbarel Doun lé brancal cruchit y'entéméno la pel, Un paouré biel chabal trimo touto l'annado, Récéou dé cops dé fouet, nou trobo jouts sa den Oué dé sanfouen mouzit, et sé dits tristomen: « Qué lé ritché fégnan gagno léou sa journado! »

- « Aro, moun bel criquet, anguen passa lé poun;
- » Fringuan, lé nas al ben, en afustan la couéto
- » bèni mé passéja lé loun dé la banquéto,
- » Et qué toun cabaliè sé béjo pas d'affroun! »

Trinchados sus trottoirs, trés rens dé bellos damos Brillon coumo un jardin tout séménat de flous. Flanurs désespérats, pér piéja bostros amos,
Bénets, bous latcharan un régard amistous;
Bénets! qu'en fignoulan passé la cabalcado,
Noutaran lés pu bels et lés pu dégourdits,
Coumo lés générals quant, sur uno esplanado,
Fan la rebüo dés couscrits.

Fennos al cor glaçat , ingratos , poudets riré ,

Mais bous arribara malur ,

Car rés nés dangerous , acos o podi diré ,

Coumo la lengo d'un blagur !

Quant un cop és toumbat sur la bostro basano ,

Al loc d'un dit qué gna , n'en bol mettré uno cano ;

Et may a lé toupet , quant és éstat battut ,

Dé perdré justomen la qu'a trop dé bertut.

Mais iou doun lous rigous , tout lé téms dé ma bido ,
M'an dounat tant dé sét qué n'aourey la pépido ,
Juri qué la mouillé d'aquel biel éstourrit
Es éstado et séra fidélo à soun marit ;
Qué , parmi tant dé gens , pas uno doumaysélo
Dins lé fruit défendut n'a plantat la maysèlo ;

Et quant un palot dé paysan,
En sé biran bers you, dits d'un ayré machan,
Qué dins aquel jardin ia pla dé flous flétridos,
Iou juri, noum d'un gat! qué gna dé pla poulidos.
Ah! béni dé té bésé, idolo dé moun cor!
Al bras dé toun papa qu'aïmo tant soun trésor,
Et sé dits douçomen, quant té méno à la courso,
Qu'un spectaclé gratis ruino pas trop la bourso.

Rosos, liris d'amour, coumo dus arc-en-ciels, Dés dus coustats del poun jusquos à la Daurado Estenden lours coulous, et lours charmans cops d'els As flanurs del pays rémudon la courado! La timido A.... abio un paouré bési Doun le cor malurous dirigeabo sur ello Un soupir ta proufoun qué dins lé gran bassi Pousset un garrabot qu'abio tendut sa bélo. Ah! cantis d'amaturs bouldron préné lé bol Al cartié dés marchands, dins aquel entrésol Ount un diou piétadous, coumo dos estafétos Per fa navssé l'amour, embouvait dos angettos! Et tant d'aoutros n'ev bist doun le régard tant doux Entréten à l'escur une passiou sécrète.... Et las dount ev sasit lé cop d'el amourous, Mais dount catchi le noum dins ma plumo discréto.

Mais crési , Diou mé sio , qué lour canti un couplet !... Lés coutillous mé fan perdré lé ramounet ! Doupliday qu'és per bésé uno grando parado Qu'affrounti del soulel l'ardento calourado.

Sur une tour del poun anguen nous émbusca;

Mentré qué lés cariols arribon à la file ,

A l'aïsé pouyren réluca

Les équipatchés de la bile.

Quant la foulo en butan bous enlébo del sol, Semblo capat lé poun bous fa roumpré lé col; Qu'un dandy mal apprés, al miey dé la bagarro, Bous pousso dins lé nas lé fun dé sa cigarro;

D'aquel flot de truchands fa bou d'estre isoulat

Et de lourgna sas gens ambé tranquillitat!

Quatré chabals fringans , toutis dé bélo raço Dé moussu lé préfet trigosson la carcasso ;

Aquelis passon al grand trot ; Lusens , millou nouïrits qué lé countribuablé Qué lour fournis lé fé , qué courbis lour establé

En descourbin soun oustalot, Et qué counto en grougnan dé sa bouco affamado, Quant cal dé sacs dé blat per paga lour cibado!

Et , pér coumpléta l'arléquin , D'un ruban pallufec larda sa boutougnéro. N'és pas ni blanc ni rougé , aquel pétas , qués doun ? Un bouci dé coudéno ? uno pel dé coudoun ? És qu'a boulgut sali la blancou mounarchico ,

Ou destinta la républico?...
O say pas ; mais m'an dit qu'un peillot espagnol
Iero estat embouyat per garni lé licol
Qué lé forço souben à fléchi soun esquino
Jusquos à l'os bertran dé la reino Cristino!...

Mais un brillan couché fa péta soun flisquet !...

Plaço! aici lé jousiou din soun brillan carrosso!...

Qu'as faït dé tous esclots et qu'as faït dé la rosso

Qué benguet dins Toulouso en pourtan toun paquet,

Marchan dé calicot del cantou Sent-Ursulo,

Qu'escorjos lé francés quand durbissés la gulo?

Tous couyrés alabets fendion lé bourracan!...

Et bers lé founds dé ta culotto griso,

Lé pendarel dé ta camiso

Penjabo coumo un ram qu'anounço lé bi blan;

Tous soulliés aquioulats, à trabets lour empégno,

Laïssabon réspira tous artéls engourdits,

Et, pés traous dél débas, coumo uno tristo enségno,

Bégnon s'enfinestra dus talous enlusits!

Disen qu'és ritché aouey. Sé calcun o demando

Diran qué l'agiot et qué la countrobando

Fousquet le machopié del ritché parbengut!...

Gna tant d'aoutrés d'aillurs qu'an prés la grando routo

Dé la rébouluciou et dé la banquorouto!...

Esquiba la galèro és la grando bertut.

Lé gendarmo rouyal, sé boulets pas qué boutgé
Dés ministrés n'abets qu'a bous fa lés champiouns!
Atal lébo lé nas, et porto un ruban rougé,
Un ounesté banquié qu'a panat siés millouns;
Ah! s'abio faït la guerro à la santo sequèlo,
Aourion més à sa pisto un souldat lagagnous,
Qué, d'un coullié dé fer sarran sa gargamello
L'aourio traïnat loungtemps dé prisous én prisous.

Un aoutré a fayt sa plégo , en lour bendren sa bido , A la naouco del rey sé douno un cop dé mour , Et sous coffrés proufounds mésuron soun amour ! Mais boli qualqué joun l'arresta per la brido Et l'y démandarey , ardit coumo un arché , Coussi s'és rémountat , et per quino abanturo

S'éspatarro dins la boëturo Dount jadis èro lé couché? Aro bési passa sur un tros d'aridèlo
Un fringan moussurot qué tiro la ficèlo
Per préné à nostré nas l'aïré d'un gran ségnou ;
Doublido lés croustets qué mangèt sa jouénésso!...
Et sabets lé castel oun nasquet sa nouplésso?...

La barraco d'un pétassou!

Per fa d'aquel faquin lé digné parallèlo, Baou dés aoutrés liouns présenta lé moudélo : Coumo l'èro Bayar dés anciens chébaliés, Aquel es pas sans paou et ni may sans réprotché! Per millou lé descriouré attendi qué s'approtché ; Beyrets un fier lioun et dés pus carnassiés! En bésen soun col dret qu'y rességo l'aoureillo, Soun capel dé rouillé sur soun froun déscarnat, Et soun frac pet-en-l'air, et soun cos empésat, Qui pouvo s'empatcha dé toumba sur sa peillo ?... « Sans douté, mé direts, un farot pla bestit » Auta bel qué lé frac diou abé soun esprit, « Sé plumabon l'aousel , soun ramatché » ... Un bieddasé! Jouts la pel d'un lioun nou troubaiots qu'un asé! Un asé, cap et tout, qué dins uno pensiou Apprenguet à fuma per touto éducation. Un tros dé mountagnol , lé fil dé la Janougno , Qué gaouso préféra, sans hounto ni bergougno, Las brumos dé Paris al blu dé nostré cel, Rénégo lé patouës qué parlabo sa maïré , Et, per parla pu gras, en crésen dé nous plaïré,

S'escaraougno lé ganitel ; Rasouno d'opéra sans sahé la musico ; Parlo dé Jokey-ciub , et sous paourés talous ; Coumo un chabal dé friso hérissats d'éspérous, N'an pas jamay fouissat qu'uno magro bourrico!

Sur un bidet lougat, un aoutré ferluquet
Qu'entréten dé catins et pago pas sas bottos,
Semblo ména grand tren per tira dé carrotos,
Et malgré lés huchès counserbo soun caquet!...
Gn'a tant d'aquelis fats, ritchards dé la Garono
Qu'an emprountat cinq francs per paga l'hypodromo!

Dins un carrosso blasounat
On bey l'orguilloux ruinat
Amé dus meklembourgs trigoussa la misèro ,
Et sur sous créanciés embouya la poussiéro.

Mais beyrets, d'un aoutré coustat,
Dins qualqué biel cariol, à trabets qualquo fendo,
S'esplandi dé grigous qu'arribon d'un castel;
Et pléno dé rastoul qué li crébo la pel,
Tourtéjan d'un coustat et borgno o ménts d'un el,
Uno rosso traïna bint millo frans dé rendo!

Bésets qué, sé lé pintré a sasit sous pourtraits,

Lé moundé és capbirat et s'en ba dé trabetz;

Besets qué, quand saourio dé fa un traouc à la luno,

Lé paouré, per brilla, grimaço la fourtuno;

Qué l'abaré ritchard, sans piétat et sans cor,

Pago pas sous oubriés per enfla soun trésor;

Qu'en. rampan lé fégnan fa builli la marmito;

Lé bici és éffrountat, la bertut hipoucrito;

Lés cors ban al mercat, et pér n'en fa trafic,

As qué bolen croumpa sé présenton per troupos!

Tournuros dé peillots, coursets farcits d'estoupos; Un faquin courtisan, un asé bel esprit, Pantalouns sans poumpils, coulous dé pot à roso, Coumplimens dé flatturs, mésoungé à triplo doso, Counsciensos et gilets doublats dé farlabic..... Bostré tristé tapleou qué macabo moun amo, M'a fourçat, un boun cop, à bous canta ma gamo, Per fioula lés saouturs et lés bieillis magots, Fa saouta lés panténs et flambusca lés piots!

Mais sé ma muso aouey nou bey rés qué noou froundé Cantara la bertut..., quant gniaoura dins lé moundé.



FI.

Toulouso, imprimario de Ph. Montaubin, pichouno estriéro St-Roume, 1.

- 111 -

Tournures de peillois, coursets tarrits d'estaupos, montre faquin confrienn, un ces hel caprit;

Pantalours sens poumpils, coulous de pot à roso,

Coumplimens de fleueirs, refeseungé à teiple deso, un descurgé à teiple deso, un descurgé à teiple deso, un descrit tristé tapleon que macabo urour amo, de l'al fourçat, un boun cop, à bous centa ma gemo,

Per floula lés saouturs et les bieillis magets, de l'a saouta les pantens et les bieillis magets.

Mais sé ma muso acuey nou bey rés qué noou froundé Cantara la bertat..., quant gainours dins le moundé!

partition of probability of the partition of the partitio

Poulouse, imprimarie de Ph. Mostavunt, pichoung carrière St-Roume, 1.